

KOMBEST 04/2009  
IMM/PKT. (3) ILASSUT/TILLÆG



## **KULTUREQARNERMUT SUNNGIFFIMMUT PITSAALIUINERMULLU MALERUAGASSAT**

Kommune Kujalleq kulturikkut, timersornermut inuillu ataasiakkaat suliteqarnerannut tapiissarnerni maleruagassat suliarineqarnerat.

Tapiissarnerni maleruagassat tassaapput aningaasanik ingerlatsinerne innuttaasunut taakkulu suliariniagaat pillugit najoqqutassiaq.

Pisut tunngavigalugit tapiissarnerni maleruagassat Kultureqarnermut, Sunngiffimmut, Pitsaaliuinernullu ataatsimiititaliap sukulluunniit allangortissinnaavaat nalimmassarlugit.

## Kapitel 1. Tapiissuteqarnernut piumasaqaatit

### § 1:

- a) Kommune Kujalleq-mi pingaartinneqarpoq tapiiffigineqartoq siunertap tapiiffigineqartup ingerlannerani pissusilersornikkut innuttaasunut ataqqinnittumik ileqqussaartumillu pissusilersussasoq.
- b) Kommunip tapiissutai atorlugit innuttaasunik immikkoortitsisoqassanngilaq.
- c) Inunnut ataasiakkaanut aningaasanik tapiissoqarpat peqatigiiffik qinnuteqarnermulluunniit akisussaasoq pisussaavoq aningaasat akileraaruserifimmut nalunaarutigissallugit.
- d) Siuliini taaneqartut akerliannik pisoqassappat peqatigiiffik inuilluunniit ataasiakkaat tapiiffigineqartut tapiissutisiaannik utertitseqquneqarsinnaapput, imaluunniit tulliani tapiissutinik qinnuteqarnermi tapiiffigineqarnissaat naatsorsuutigineqarsinnaassanani.
- e) Qinnuteqartoq peqatigiiffiuguni pisortatigoortumik akuerisaasimassaaq.
- f) **Peqatigiiffik qinnuteqartoq tapiiffigineqarsinnaassaaq aatsaat ukiumoortunik naatsorsuutunik ataatsimeersuarnermi akuerineqarsimasunik Kultureqarnermut Sunngiffimmut Pitsaaliuinernullu Ingerlatsivimmud/immikkoortortamut tunniussereersimaguni.**
- g) Qinnuteqartut tamarmik peqatigiiffiugunik, suliniaqatigiiffiugunik inuilluunniit ataasiakkaajugunik tamatigut missingersuutunik suliaqareersimassapput qinnuteqarnissamullu immersugassaaq immersorsimassallugu.
- h) Qinnuteqaatip ingerlateqqinneqarnissaa eqqarsaatigalugu aningaasat qaammat ataaseq sioqqullugu Kultureqarnermut Sunngiffimmut Pitsaaliuinernullu ataatsimiititaliamut qinnuteqaatigineqariissapput. Pissutsit tassanngaannartut assigiinngitsut, allatulluunniit piffissarititamik angummassinnaajunnaarsitsisut immikkut naliliiffigineqareerpata tapiissuteqartoqarsinnaavoq.
- i) Peqatigiiffiup siulittaasua, qinnuteqarnermut akisussaasoq, qinnuteqaassunneqartorluunniit qinnuteqaammik atsiuisuussapput.
- j) Qinnuteqartut tamarmik tamatigut immikkut naliliiffigineqartassapput.
- k) Naalackersuinikkut suliniaqatigiiffiit imminnut tunngasunik aaqqissugaannut tapiissoqarsinnaangilaq.
- l) Upperisarsioqatigiiffiit imminnut tunngasunik aaqqissugaannut tapiissoqarsinnaangilaq.

## **Kapitel 2. Siunertat tapiiffigineqarsinnaasut:**

- Angalanerit, § 3
- Pikkorissarnerit, § 4
- Illunik/ininik attartornerit, § 5
- Sungiusaasuunnerit, § 6
- Kulturimut tunngasunik ingerlatsiniarnerit, § 7
- Timersortartut, § 8

### **§ 3. Angalanerit makkua tapiiffigineqarsinnaapput:**

Kommune Kujallermi meeqqat atuarianni atuartut paasisassarsiorniarlutik angalasut (ullumi tapiissarneq aallaavigalugu meeqqamut ataatsimut kr. 1.500,-

GU-mi NI-milu ilinniartut Kommune Kujallermi najugallit paasisassarsiorlutik angalasut (ullumi tapiissarneq aallaavigalugu inummumut ataatsimut kr. 2000,-).

Kommune Kujallermi aliikkusersuiartortunut, ataatsimeeqataajartornernut, nipilersukkanik/erinarsukkanik immiussiartornernut.

Tamanut ammasunik aaqqissuinerit atillugu nipilersortartunik erinarsoqatigiinnik inunnillu kulturimut tunngassutilinnik sulialinnik qaaqquinerit tapiisoqarsinnaavoq.

Nipilersortartut, erinarsoqatigiit inuillu kulturimut tunngasunik suliallit illoqarfimmumut kommune Kujallermi angalanerit.

### **§ 4. Pikkorssarnerit makku tapiiffigineqarsinnaapput:**

Nunanut allanut ilinniariat, soorlu AFS kr. 10.000,- /højskoleriat kr. 5.000,-.

Ilinniartut ataasiakkaat aasaanerani oqaatsinik pikkorissariat kr. 5.000,-.

Pikkorissaasunik tikisitsinerit.

Timersoqatigiiffiit sungiusaasuunik pikkorissariartitsinerit.

### **§ 5. Illunik/ininik attartornerit imaattut tapiiffigineqarsinnaapput:**

Kulturikkut ingerlatsinermi ataasiaannarluni aaqqissuusani ininut attartukkanut aningaasartuutit.

Peqatigiiffiit aaqqissuusaannik innuttaasunut aaqqissuusinerit ininut attartukkanut aningaasartuutit.

Tamanut ammasunik imigassartaqanngitsumik katerisimaartitsinerit

Meeqqanut tamanut ammasunik imigassartaqanngitsumik tapartitsinerit

Inersimasunut tamanut ammasumik imigassataqanngitsumik tapartitsinernut.

#### **§ 6. Sungiusaasunut tapiissarnerit:**

Timersoqatigiiffiit meeqqanut inuussuttuaqqanullu sungiusaasuinut tapiissutit SIK-p isumaqatigiissutai naapersortlugit nal. Akunnermusiallit aningaasarsiaat malillugit ukiumut ataasiarluni juullerpalaartitsinermi tunniunneqartassapput.

#### **§ 7. Kulturimut tungasunik ingerlatsisut tapiissuteqarfigineqarsinnaasut makkuusinnaapput:**

Kalaallit timersuutaannik ingerlatsisut

Assassukkanik suliallit

Kalaallit nerisassaataannik nutarterinikkut pikkorissartitsisut

Kalattoortartut

Isiginnaartitsinermik ingerlatsiniat

Oqalugiartitsinerit

Kulturimut attuumassuteqarsinnaasunik siunertalinnik suliallit

### **Kapitel 3.**

#### **§ 8. Timersortartunut tapiissutit makkununga tunniunneqarsinnaapput:**

Timersoqatigiiffinnut, § 9

Nunanut allanut unammisartunut, soorlu Nunani Avannarlerni, Europami Nunarsuarluunniit tamakkerlugu pissartanngorniunnernut, § 10

Nunatsinni pissartanngorniunnissamut anngunniunnernut, § 11

Kujataani isikkamik arsarluni pissartanngorniutsitsinermi aaqqissuinernut – meeqqanut, inersimasunullu.

Isikkamik aamma assammik arsaannernik sungiusartitsinernut.

Timersullammannut nersornaat/kaammattuut, § 12

Timersortarfiup attartorneranut

#### **§ 9. Tapiissarnerni tunngavissat:**

- a) Timersoqatigiiffiit malittarisassat tunngavigalugit tapiiffigineqarsinnaasutut akuerisat.
- b) Inuit ataasiakkaat timersuummik immikkuullarissumik sammisallit tapiiffigineqarsinnaapput.

- c) Arctic Winter Games-imi unammeqataasussat tapiiffigineqarsinnaapput
- d) Timersornermi pisussanut toqqakkat Kommune Kujallermeersut tapiiffigineqarsinnaapput.

§ 10.

Kommune Kujalleq-miit innuttaasut nunanut allanut unammisartut qinnuteqaataat aallaavigalugit tapiiffigineqarsinnaapput.

§ 11.

Angalaniarnikkut siumut utimullu periarfissat, nerisaqarneq bilitsillu akikinnerit nalingat aallaavigalugit tapiissuteqartoqartarsinnaavoq, tapiisarnerillu ima pisassapput:

- a) Meeqqanut inuusuttuaqqanullu nerisaqanernut bilitsinullu aningaasartuutit 65 %-ii
- b) Inersimasut bilitsiinut aningaasartuutit 50 %-ii.
- c) Utoqqasaat bilitsiinut aningaasartuutit 35 %-ii.

B-mi nunanut allanut ataatsimoorluni sungiusartarfinnut sungiusariat bilitsiinut aningaasartuutit 40 %-ii.

§ 12.

- a) Timersulallammak timersoqatigiiffiuppat aningaasat pissarsiaritinneqartussat amerlassusii kr. 5000,-.
- b) Timersullammak inuk ataasiuppat pissarsiaritinneqartussat amerlassusii kr. 1.000,-
- c) Inuit ataasiakkaat arlallit toqqarneqarpata pissarsiaritinneqartussat amerlassusissaat isumaqatigiinnikkut aalajangerneqartassapput.

§ 13.

Kommune Kujalleq kujataani isikkamik arsaattartut pissartanngorniunnerani pokaalinik tapiissuteqarsinnaavoq.

§ 14.


Timersortarfimmik attartornermi inersimasunut 18-it sinnerlugit ukiulinnut nal. Akunneranut akiliutip 85 %-ii tapiissutigineqartassapput. 0-18-nut ukiulinnut 100%-ii tapiissutigineqartassapput. Timersortarfimmik atuisarnerit kommunimut aningaasartuuteqarnerulernermik kingunilimmik sivitsorneqassappata tamanna timersortarfimmit kommune Kujallermit saqqummiunneqareersimassaaq.

Tapiissarnermut maleruagassat ulloq 4/12 2009 atuutilerput.



Kiista P.Isaksen

Kulturimut Sunngiffimmut Pitsaaliuinermullu ataatsimiititaliami siulittaasoq



---

Simon Simonsen  
Borgmester

Kommunalbestyrelsimi  
aleverisaarog 4. december 2009